

Broj: 01/1-___/17
Kakanj, ____. 01.2017. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 32. Odluke o izvršavanju Budžeta Općine Kakanj za 2017. godinu, broj: 01/1-3-367/16 od 28.12.2016. godine („Službene novine Općine Kakanj“, broj: 02/17), Općinsko vijeće na __. sjednici, održanoj dana __.__.2017. godine, u s v o j i l o j e

P R O G R A M
UTROŠKA SREDSTAVA IZ BUDŽETA OPĆINE KAKANJ
ZA PODSTICAJ RAZVOJA PODUZETNIŠTVA I OBRTA ZA 2017. GODINU

1. Podaci o Programu

Program utroška sredstava iz Budžeta Općine Kakanj za podsticaj razvoja poduzetništva i obrta za 2017. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2017. godinu sa pozicije „Subvencije podsticaju razvoja poduzetništva i obrta – sredstva naknade od dijela prihoda TE“ (u daljem tekstu: Program), a shodno Zakonu o izdvajanju i usmjeravanju dijela prihoda preduzeća ostvarenim radom termoelektrana (Službene novine FBiH, broj: 80/14).

2. Period realizacije Programa

Sredstva namijenjena za podsticaj razvoja poduzetništva i obrta na području općine Kakanj realizovaće se u periodu od 01.01. - 31.12.2017. godine.

3. Raspoloživi iznos sredstava

400.000,00 (četiristotinehiljada) KM.

4. Namjena Programa

- 4.1. Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini;
- 4.2. Projekat „Pokreni svoj posao u Kaknju“ (preduzeća – d.o.o., obrt i srodne djelatnosti osim poljoprivredne djelatnosti)
 - Refundacija troškova obaveznih doprinosa (PIO, zdravstveno osiguranje i osiguranje od nezaposlenosti), za registrovanu djelatnost - period od 12 mjeseci u maksimalnom iznosu do 350,00 KM/mjesec;
 - Dodjela sredstava u iznosu do 3.000,00 KM za pokretanje djelatnosti;

- 4.3. Sufinansiranje troškova nabavke novih mašina i druge opreme u cilju proširenja djelatnosti i povećanja broja zaposlenih;
- 4.4. Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj;
- 4.5. Regresiranje kamata po kreditima odobrenim u komercijalnim bankama u 2016. i 2017. godini za poduzetnike i obrtnike sa područja općine Kakanj (osim za trgovine i ugostiteljstvo);
- 4.6. Sufinansiranje dijela troškova zakupa poslovnog prostora obrtničkim radnjama (osnovno zanimanje) i preduzećima d.o.o., koji su registrovali djelatnost i osnovali firmu na području općine Kakanj u 2017. godini;
- 4.7. Sufinansiranje projekata u saradnji sa humanitarnim i nevladinim organizacijama (HELP, World Vision i Muslim Aid);
- 4.8. Sufinansiranje projekta „Ekonomsko osnaživanje žena kroz obuku krojenja i šivanja“;
- 4.9. Finansiranje (refundacija) bruto plaće zaposlenika UPOK-a;
- 4.10. Promocija razvoja poduzetništva i obrta;
- 4.11. Ugovorene obaveze prema korisnicima podsticajnih sredstava iz 2016. godine;
- 4.12. Rezervna sredstva.

5. Korisnici Programa

Obrtničke radnje u osnovnom zanimanju, trgovačke i ugostiteljske radnje i preduzeća – d.o.o., registrovana na području općine Kakanj u 2016. i 2017. godini, nezaposlene osobe sa područja općine Kakanj, Udruženje poslodavaca općine Kakanj „Centar za podršku biznisu“ Kakanj i Udruženje žena općine Kakanj „UŽOK“.

6. Izvor sredstava

Budžet Općine Kakanj za 2017. godinu, pozicija „Subvencije podsticaju razvoja poduzetništva i obrta - sredstva naknade od dijela prihoda TE“, ekonomski kod: 614500 („Službene novine Općine Kakanj“, broj: 02/17).

UVODNI DIO

Programom utroška sredstava iz Budžeta Općine Kakanj za podsticaj razvoja poduzetništva i obrta za 2017. godinu, Općina Kakanj nastoji:

- povećati broj i održivost obrtničkih radnji i preduzeća - d.o.o.,
- razviti poduzetničku svijest među mladim i nezaposlenim ljudima,
- povećati broj zaposlenih ljudi na području općine Kakanj.

U skladu sa Zakonom o podsticaju razvoja male privrede („Službene novine Federacije BiH“ broj: 19/06) kojim se uređuje planiranje, osiguranje sredstava i provedba mjera razvoja male privrede u Federaciji BiH, omogućeno je da lokalne zajednice mogu u svojim Budžetima izdvojiti finansijska sredstva za podsticaje. Na osnovu toga u Budžetu Općine Kakanj za 2017. godinu odobren je iznos od 400.000,00 KM za podsticaj razvoja poduzetništva i obrta.

I VRSTE I NAČIN OSTVARIVANJA PODSTICAJA

R/b	Naziv podsticaja	Planirana sredstva / KM
1.	Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini	42.000,00
2.	Projekat „Pokreni svoj posao u Kaknju“ – preduzeća – d.o.o., obrt i srodne djelatnosti osim poljoprivredne djelatnosti	70.000,00
3.	Sufinansiranje troškova nabavke novih mašina i druge opreme u cilju proširenja djelatnosti i povećanja broja zaposlenih (osim za trgovine, ugostiteljstvo i poljoprivredu)	60.000,00
4.	Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj	50.000,00
5.	Regresiranje kamata po kreditima odobrenim u komercijalnim bankama u 2016. i 2017. godini za poduzetnike i obrtnike sa područja općine Kakanj (osim za trgovine i ugostiteljstvo)	25.000,00
6.	Sufinansiranje dijela troškova zakupa poslovnog prostora obrtničkim radnjama (osnovno zanimanje) i preduzećima d.o.o., koji su registrovali djelatnost i osnovali firmu na području općine Kakanj u 2017. godini;	12.000,00
7.	Sufinansiranje projekata u saradnji sa humanitarnim i nevladinim organizacijama (HELP, World Vision i Muslim Aid)	15.000,00
8.	Sufinansiranje projekta „Ekonomsko osnaživanje žena kroz obuku krojenja i šivanja“	15.000,00
9.	Finansiranje (refundacija) bruto plaće zaposlenika UPOK-a	15.636,00
10.	Promocija razvoja poduzetništva i obrta	5.000,00
11.	Ugovorene obaveze prema korisnicima podsticajnih sredstava iz 2016. godine	81.604,00
12.	Rezervna sredstva	8.760,00
UKUPNO		400.000,00

1. Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2017. godini

Na ovaj način refundiraju se troškovi osnivanja obrtničkih (osnovno zanimanje), trgovačkih i ugostiteljskih radnji i dio troškova osnivanja preduzeća – d.o.o. u periodu od 15.12.2016. – 15.12.2017. godine. Kroz ovaj podsticaj nastoji se povećati broj i održivost preduzeća/obrta na području općine Kakanj, doprinijeti razvoju poduzetničke svijesti, te povećati broj zaposlenih na području naše općine.

Pravo na podsticaj imaju fizička i pravna lica koja registruju djelatnost i osnuju firmu kao obrtničku u osnovnom zanimanju, trgovačku ili ugostiteljsku radnju ili kao društvo sa ograničenom odgovornošću – d.o.o. na području općine Kakanj u periodu od 15.12.2016. – 15.12. 2017. godine. Za ostvarivanje podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke, trgovačke ili ugostiteljske radnje (Služba za privredu, urbanizam i zaštitu okoline Općine Kakanj), izdato u periodu 15.12.2016.- 15.12.2017. godine;
- obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica);
- dokaz da lice (osnivač) koje registruje djelatnost i osnuje firmu, nema obaveza po osnovu poreza i doprinosa;
- dokazi o plaćenim taksama i troškovima u vezi registracije djelatnosti odnosno osnivanja firme (uplatnice, računi i dr.).

Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

Zahtjevi za refundaciju predmetnih troškova sa potrebnom dokumentacijom podnose se Službi za privredu, urbanizam i zaštitu okoline putem prijemne kancelarije Općine Kakanj do 15.12.2017. godine.

Refundacija troškova osnivanja trgovačkih i ugostiteljskih radnji može biti ostvarena jednom u toku 2017. godine za jedan poslovni prostor.

1. Projekat – „Pokreni svoj posao u Kaknju“

Ovim podsticajem predviđeno je sufinansiranje pokretanja i održavanje malih biznisa – preduzeća – d.o.o., obrt i srodne djelatnosti (osim poljoprivrede), za nezaposlene osobe sa područja općine Kakanj, koje se nalaze na evidenciji Biroa za zapošljavanje, a planiraju registrovati djelatnost ili su već registrovali djelatnost u 2017. godini.

Podsticajna sredstva namijenjena su za:

- refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 12 mjeseci u maksimalnom iznosu do 350,00 KM/mjesec;

- troškove pokretanja registrovane djelatnosti (nabavka mašina, opreme i repromaterijala neophodnog za registrovanu djelatnost) u iznosu do 3.000,00 KM.

Projekat obuhvaća sljedeće aktivnosti:

- objavljivanje Javnog poziva;
- apliciranje zainteresiranih kandidata i dostavljanje biznis/poslovnih planova;
- odabir najboljih poslovnih planova;
- registracija djelatnosti;
- potpisivanje Ugovora o realizaciji Projekta sa odabranim korisnicima;
- isplata odobrenog iznosa sredstava za sufinansiranje troškova pokretanja i održavanja vlastitog biznisa;
- monitoring.

Projekat će biti realiziran tokom godine do utroška sredstava.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- ovjerenu kopiju lične karte;
- uvjerenje da se lice nalazi na evidenciji Biroa za zapošljavanje Općine Kakanj/rješenje o registraciji radnje (društva sa ograničenom odgovornošću – d.o.o.);
- uvjerenje da lice nema obaveza po osnovu poreza;
- biznis plan;
- ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 24 mjeseca od dana potpisivanja ugovora o realizaciji projekta „Pokreni svoj posao u Kakanju“, a o čemu će redovno dostavljati odgovarajući dokaz (kopiju uplatnice/specifikacije iz koje su vidljive uplate doprinosa, za svaki mjesec u ugovorenom periodu).

Komisija će nakon pristiglih prijavi obaviti intervju sa prijavljenim kandidatima, ocijeniti iste i sačiniti rang listu prema broju ostvarenih bodova. Odabrani kandidati će nakon što registruju djelatnost (za lica koja nisu registrovana) potpisati ugovor sa Općinom.

Ugovorom će biti definisano da su korisnici podsticajnih sredstava obavezni dostaviti predračun za nabavku sredstava i ovjerenu izjavu da će ista namjenski utrošiti. Nakon toga, Općina će odobreni iznos sredstava uplatiti na račun korisnika, a troškove obaveznih doprinosa će uplaćivati mjesečno.

Odabrani korisnici predmetnih podsticaja preuzimaju obavezu da u roku od 30 dana od dana isplate podsticajnih sredstava Općini dostave račun za nabavku (faktura uz fiskalni račun).

2. Sufinansiranje troškova nabavke novih mašina i druge opreme u cilju proširenja djelatnosti i povećanja broja zaposlenih

Sufinansiranjem troškova nabavke novih mašina i druge opreme nastoji se pružiti podrška registrovanim poduzetnicima i obrtnicima sa područja općine Kakanj, a u svrhu razvoja poduzetničke inicijative, povećanja kvaliteta proizvodnje, proširenja djelatnosti i povećanja broja zaposlenih.

Pravo učešća u Javnom pozivu imaju registrovana pravna i fizička lica (osnovno zanimanje) osim trgovine, ugostiteljstva i poljoprivrede, a koja su mašine i drugu opremu nabavila u 2017. godini.

Podsticajna sredstva iznose 50% od vrijednosti nabavke, a maksimalan iznos podsticaja je do 5.000,00 KM.

Zainteresovani uz prijavu na Javni poziv dostavljaju sljedeću dokumentaciju (original ili ovjerene kopije):

- zahtjev;
- kratak opis budućih poslovnih aktivnosti;
- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke djelatnosti (Služba za privredu, urbanizam i zaštitu okoline Općine Kakanj);
- obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica);
- račun za nabavku mašine ili druge opreme iz 2017. godine;
- uvjerenje o izmirenim javnim prihodima (uvjerenje Poreske uprave, uvjerenje Uprave za indirektno oporezivanje – ukoliko su PDV obveznici).

Zahtjevi za sufinansiranje troškova nabavke mašina i druge opreme i stalnih sredstava sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj do 29.09.2016. godine. Ukoliko se podsticajna sredstva namijenjena za ovu poziciju ne utroše u naprijed definisanom roku Javni poziv će biti ponovo objavljen.

4. Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj

Ovom vrstom podsticaja omogućava se nezaposlenim osobama sa završenom srednjom školom, bez obzira na radno iskustvo, priprema za rad kroz obuku, stručno osposobljavanje i usavršavanje, u konkretnom poslovnom okruženju posebno kada su u pitanju nove metode i tehnologije rada u sektoru privrede.

Korisnici predmetnih podsticaja su poslovni subjekti registrovani na području općine Kakanj koji redovno izmiruju obaveze po osnovu poreza i doprinosa i imaju potrebu za zapošljavanjem novih radnika uslijed pokretanja nove proizvodnje, povećanja obima postojećih poslovnih aktivnosti, uvođenja tehnoloških i organizacionih promjena.

Na ovaj način nastoji se dati šansa nezaposlenim osobama sa područja općine Kakanj, koje se nalaze na evidenciji Biroa za zapošljavanje najmanje 3 (tri) mjeseca, da steknu određena znanja i vještine kroz stručno osposobljavanje i usavršavanje, a radi jačanja konkurentnosti na tržištu rada, povećanja kompetencija i šansi za zapošljavanje.

Podsticajna sredstva su namijenjena za finansiranje troškova obuke kandidata sa kojima poslovni subjekti sklope ugovor i ista iznose 523,00 KM/mjesec po kandidatu.

Poslovnom subjektu se po Programu može odobriti organizovanje pripreme za rad kroz obuku, stručno osposobljavanje i usavršavanje maksimalno do 5 kandidata u trajanju od 6 (šest) mjeseci. Ukoliko se na javni poziv ne prijavi dovoljan broj poslovnih subjekata, prijavljenim subjektima se može odobriti i više od 5 kandidata za obuku.

Korisnik podsticajnih sredstava je obavezan po okončanju obuke zasnovati radni odnos sa kandidatima u trajanju od najmanje 3 mjeseca.

Za ostvarivanje podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- program obuke kandidata;
- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke djelatnosti (Služba za privredu, urbanizam i zaštitu okoline Općine Kakanj);
- dokaz da fizička i pravna lica nemaju obaveza po osnovu poreza i doprinosa odnosno da su uredno izmirili obaveze po osnovu javnih prihoda (uvjerenje Porezne uprave, uvjerenje Uprave za indirektno oporezivanje – ukoliko su PDV obveznici);
- broj tekućeg računa kod poslovne banke;
- ovjerenu izjavu:
 - da neće (ponovo) zaposliti osobu koju je otpustio u prethodna tri mjeseca;
 - da neće otpustiti postojećeg radnika radi zapošljavanja osobe čija se priprema za rad sufinansira;
 - da će zadržati postojeći broj radnika uvećan za broj kandidata za obuku u narednih 9 mjeseci.

Projekat će biti realiziran tokom godine do utroška sredstava.

5. Regresiranje kamata po kreditima odobrenim u komercijalnim bankama u 2016. i 2017. godini za poduzetnike i obrtnike sa područja općine Kakanj (osim za trgovine i ugostiteljstvo)

Na ovaj način se regresiraju kamate po kreditima odobrenim u komercijalnim bankama u 2016. i 2017. godini za poduzetnike i obrtnike sa područja općine Kakanj (osim za trgovine i ugostiteljstvo), i to isključivo za kredite korištene radi ulaganja u registrovanu djelatnost korisnika kredita.

Ovom vrstom podsticaja Općina Kakanj će regresirati uplaćene kamate po kreditima odobrenim u komercijalnim bankama. Za kredite od 5.000,00 KM – 50.000,00 KM Općina će refundirati kamate u iznosu 100 %, a za kredite od 50.000,00 KM – 100.000,00 KM u iznosu 50 % od ukupno uplaćenih kamata. Kamata se regresira na godišnjem nivou. Maksimalna nominalna kamatna stopa koja se regresira iznosi do 8%, a period otplate kredita je do 5 godina. Općina Kakanj se obavezuje da će korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Za ostvarivanje predmetnih podsticaja potrebno je uz aplikaciju na Javni poziv dostaviti i sljedeću dokumentaciju (originali ili ovjerene kopije):

- rješenje o registraciji društva ili obrtničke radnje za postojeća - registrovana pravna i fizička lica;
- obavještenje o razvrstavanju pravnog lica prema klasifikaciji djelatnosti;
- uvjerenje da lice nema obaveza po osnovu poreza;
- ugovor s bankom sa anuitetnim planom otplate kredita ;
- potvrdu banke o redovnoj otplati kredita, sa obaveznim pregledom obračunatih i uplaćenih kamata za period za koji se regresira kamata;
- dokaz o utrošku kreditnih sredstava (kao dokaz se prihvata: račun, faktura, ugovor).

Zahtjevi za regresiranje kamata po kreditima odobrenim u komercijalnim bankama u 2017. godini sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj, najkasnije do 15.12.2017. godine.

Sa ove pozicije će se refundirati i kamate poduzetnicima i obrtnicima sa područja općine Kakanj po kreditima odobrenim u komercijalnim bankama u 2016. godini, a koji su ostvarili pravo na ovaj podsticaj, shodno Programu utroška sredstava iz Budžeta Općine Kakanj za podsticaj razvoja poduzetništva i obrta za 2016. godinu.

6. Sufinansiranje dijela troškova zakupa poslovnog prostora obrtničkim radnjama i preduzećima d.o.o., koji su registrovali djelatnost i osnovali firmu na području općine Kakanj u 2017. godini

Na ovaj način refundira se dio godišnjih troškova zakupa poslovnog prostora fizičkim i pravnim licima koji su registrovali djelatnost kao obrt ili preduzeće – d.o.o. na području općine Kakanj u 2017. godini, a svoje poslovne aktivnosti obavljaju u prostorijama na osnovu Ugovora o zakupu.

Općina Kakanj će sufinansirati 50% ukupnog iznosa zakupnine za 2017. godinu, s tim da je maksimalan iznos sufinansiranja zakupnine 1.200,00 KM.

Za ostvarivanje podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke djelatnosti (Služba za privredu, urbanizam i zaštitu okoline Općine Kakanj), izdato u 2017. godini;
- dokaz da fizička i pravna lica nemaju obaveza po osnovu poreza i doprinosa odnosno da su uredno izmirili obaveze po osnovu javnih prihoda (uvjerenje Porezne uprave, uvjerenje Uprave za indirektno oporezivanje – ukoliko su PDV obveznici);
- ugovor o zakupu poslovnog prostora;
- rješenje Porezne uprave o obavezi plaćanja poreza po osnovu Ugovora o zakupu;
- dokaz o plaćenju zakupnini i porezu.

Zahtjevi za sufinansiranje predmetnih troškova sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj najkasnije do 08.12.2017. godine.

7. Sufinansiranje Projekata u saradnji sa humanitarnim i nevladinim organizacijama (HELP, World Vision i Muslim Aid)

Cilj projekata je olakšati održivi ekonomski razvoj kroz podršku privrednom sektoru, modernizaciju poduzetništva i poljoprivrede i dr. U svrhu nastavka uspješne saradnje Općine Kakanj sa humanitarnim i nevladinim organizacijama – HELP, World Vision i Muslim Aid, te zajedničkog učešća u implementaciji projekata u 2017. godini, neophodno je da se iz Budžeta Općine Kakanj izdvoje novčana sredstva.

8. Sufinansiranje projekta „Ekonomsko osnaživanje žena kroz obuku krojenja i šivanja“

Projekat ekonomskog osnaživanja žena će se realizirati u saradnji sa Udruženjem žena općine Kakanj „UŽOK“ kroz obuku šivanja i krojenja, te izradu rukotvorina kroz procese tkanja, a za isti će se angažovati kvalifikovani predavači za ovu oblast.

Podsticajna sredstva namijenjena su za obuku i edukaciju 60 nezaposlenih žena sa područja općine Kakanj, nabavku opreme i repromaterijala, te plaćanje troškova predavača/edukatora.

Projekat obuhvaća sljedeće aktivnosti:

- Definisanje mjesta, prostora i broja kandidata;
- Pripremu edukatora i asistenata za planirane teme projekta;
- Tehničku pripremu (opremanje) prostora u kome će se održavati obuka;
- Fazu realizacije obuke (6 mjeseci)
- Podjelu certifikata o završenoj obuci.

Nakon završene obuke žene koje pokažu sposobnost za samostalan rad moći će otvoriti vlastite krojačke radnje, a ženama koje se nalaze u teškoj ekonomskoj situaciji, biće poklonjene šivaće mašine kako bi obezbjedile egzistenciju za sebe i svoju porodicu.

Na ovaj način Općina Kakanj će nastojati pomoći nezaposlenim ženama sa područja općine Kakanj da pronađu način i povećaju sopstvene šanse za zapošljavanje i tako sebi osiguraju ekonomsku neovisnost.

Realizacija Projekta je planirana tokom godine u trajanju od 6 mjeseci.

Po okončanju obuke UŽOK će Općini Kakanj dostaviti izvještaj o utrošku sredstava.

9. Finansiranje (refundacija) bruto plaće zaposlenika UPOK-a

U cilju podrške radu Udruženje poslodavaca općine Kakanj „Centar za podršku biznisu“ i razvoja privatnog sektora iz Budžeta Općine Kakanj će se finansirati bruto plaća sekretara Udruženja za 2017. godinu.

10. Promocija razvoja poduzetništva i obrta

Iz navedenih sredstava planiraju se financirati slijedeći izdaci:

- promocija poduzetnika i obrtnika, medijsko predstavljanje, obavještanje o podsticajima, sajmovi i dr.

11. Ugovorene obaveze prema korisnicima podsticajnih sredstava iz 2016. godine

Shodno potpisanim ugovorima o realizaciji projekta „Pokreni svoj posao u Kaknju“ obaveza Općine je da korisnicima podsticajnih sredstava pored sufinansiranja nabavke sredstava za rad, repromaterijala, opreme i sl., za registrovanu djelatnost, refundira i troškove obaveznih doprinosa za period od 12 mjeseci. Također, za projekat „Sufinansiranje troškova obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj“ obaveza Općine je sufinansiranje bruto plaće zaposlenika sa kojima su korisnici sredstava zaključili ugovore .

Za navedene aktivnosti u 2016. godini ostalo je neisplaćeno 81.604,00 KM i biće isplaćeno u tekućoj godini.

12. Rezervna sredstva

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, u skladu sa utvrđenim kriterijima ovog Programa.

Realizacija – do kraja decembra tekuće godine.

Napomena: Jedan aplikant može ostvariti pravo na podsticaj maksimalno za 2 pozicije.

II ZAVRŠNI DIO

Isplata podsticajnih sredstava će se obaviti na transakcijski račun korisnika istih, a otvoren kod poslovnih banaka.

U slučaju da planirani iznos sredstava za određenu vrstu podsticaja iz objektivnih razloga u cijelosti ili djelimično ne bude utrošen, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz ovog Programa.

Služba za privredu, urbanizam i zaštitu okoline Općine Kakanj će na kraju budžetske godine sačiniti Izvještaj o realizaciji Programa utroška sredstava iz Budžeta Općine Kakanj za podsticaj razvoja, poduzetništva i obrta za 2017. godinu, te isti dostaviti Općinskom vijeću na razmatranje i usvajanje.

**PREDSJEDAVAJUĆI
OPĆINSKOG VIJEĆA**

Slaven Katičić